

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

CXL.

[urn:nbn:de:bsz:31-122744](#)

Iiceret loqui, locum exponant, quae tamen ipsa statum seu conditionem tabernaculi moralem vel involvit simul, vel certe infert. Quo sensu Theophylactus: quamdiu consisteret tabernaculum, h. e. tantisper, dum lex floreret & regnaret, perficerenturque secundum eam culture & sacra. Ut adeò status damnatorum omnem eorum existendi legem, vivendi ordinem, operandi modum, patiendi fortunam, intelligendi formam, volendi rationem; quam ipsis Divina justitia admetitur, in quâ, ut damnati sunt, & esse debent, complestatur.

CXL. Inferni vox, quâ in significatione substantivâ ad exprimendum locum, in quo damnati post judicium concludentur, vulgo utimur, latina non est, pro quâ in veteri Latio *Inferi* dictum fuit; nisi quis asserere velit, utramque v ocem adjectivam esse & inferos pro locis inferis atque infernum pro loco inferno ponî. Quamquam verò *Infernus* certus sit alicubi locus, quod ceu alibi probatum supponimus, ubi tamen sit *Infernus*, utrum intra an verò extra terræ globum? id nullo idoneo argumento doceri potest, nequicquam certam hujus rei scientiam nobis promittentibus Romanæ Ecclesiæ, vel aulæ potius, parasitis. Græcis in utroque Testamento ἡδη dicitur, hebræis verò Ἰάων; et si utrumque vocabulum latius sit, quam ut intra inferni angustias sese patiatur concludi. Nam & ἡδη sepulcrum quandoque notat, & Ἰάων omnem illum locum, statumve, in quem mortui post suum ex hoc seculo discessum deferuntur. Præterea *Infernus* usu partim Scripturæ partim Ecclesiastico vel pœnam notat, præciso loco, vel locum, abstractâ pœnâ, vel utrumque. Cum verò nos de damnatorum in inferno statu agamus, locum intelligimus, cum pœna ipsâ damnationis voce, ut ex se patet, comprehendatur.

CXLI. Quamquam damnatorum in inferno status multa, quibus constituitur & absolvitur, includat; universa tamen isthæc passionibus & actionibus definiri possunt. Partim enim patiuntur damnati, partim agunt. De passionibus nulla nobis im præsentiarum tractatio instituitur, cum de iis copiosè à plerisque, qui vel in Locis Theologicis articulum de inferno illustrarunt, vel Ecclesiasticas in illum homilias scripsierunt, disputatum fuerit, sed de Actionibus duntaxat.